

**ORDENANZA FISCAL NÚMERO 4,
REGULADORA DA TAXA POR OCUPACIÓN SUBSOLO,
SOLO E VOO DE TERREOS DE USO PÚBLICO LOCAL. ¹**

Artigo 1.º -Fundamento e natureza.

En uso das facultades concedidas polos artigos 131.2 e 142 da Constitución e polo artigo 105 da Lei 7/1995, do 2 de abril, reguladora das Bases de Réxime Local, e de acordo co disposto nos artigos 15 ó 19 da Lei 39/1998, do 28 de decembro, reguladora das Facendas Locais, este Concello establece a Taxa por ocupación de subsolo, solo e voo de terreos de uso público local, que se rexerá pola presente Ordenanza Fiscal, aténdose as súas normas ó previsto no artigo 20-apartado 1, letra A),-e no artigo 58 da xa citada Lei 39/1988.

Artigo 2.º -Feito imponible.

Constitúe o feito imponible da taxa a utilización privativa ou os aproveitamentos especiais constituídos pola ocupación do subsolo, solo e voo de terreos de uso público local.

Artigo 3.º -Suxeitos pasivos.

Son suxeitos pasivos contribuíntes as persoas físicas ou xurídicas e as entidades a que se refire o artigo 33 da Lei Xeral Tributaria, que resulten autorizadas para efectua-los aproveitamentos e as que resulten beneficiadas por ditos aproveitamentos, incluso cando non obtivesen previa autorización.

Artigo 4.º -Responsables.

1.-Responderán solidariamente das obrigas tributarias do suxeito pasivo as persoa físicas e xurídicas a que se refiren os artigos 38.1 e 39 da Lei Xeral Tributaria.

Artigo 5.º -Bases de imposición e tipos de gravame.

1.-As bases de imposición e tipos de gravame son os comprendidos nas seguintes tarifas:

1.1.-Por cada metro cadrado ou fracción de superficie de ocupación do solo para depósitos de gas: 500 pesetas.

1.2.-Ocupación da vía pública con tubarias para a conducción de gas. Por cada metro lineal ou fracción: 500 pesetas.

2.-As empresas explotadoras de servizos de subministros que afecten á xeneralidade ou a unha parte importante do vicindario, a contía da taxa reguladora nesta ordenanza consistirá,

¹ Aprobada por pleno de 29/10/1998 y publicada en BOP de 30/12/1998

en todo caso e sen excepción ningunha, no **1,5 por 100 dos ingresos brutos** procedentes da facturación que obteñan anualmente neste termo municipal ditas empresas.

A contía da taxa que puidera corresponder a "Telefónica, S.A." está englobada na compensación en metálico a que se refire o apartado 1 do artigo 4.º da Lei 15/1987, de 30 de xullo.

Artigo 6.º .-Exencións.

O Estado, as comunidades autónomas e as entidades locais non estarán obrigados ó pagamento das taxas por utilización privativa ou aproveitamento especial polos aproveitamentos inherentes ós servizos públicos de comunicacións que exploten directamente e por tódolos que inmediatamente interesen á seguridade cidadana ou á defensa nacional.

A parte do anterior, non se concederá exención nin bonificación ningunha exacción da presente taxa, agás as previstas en normas con rango de lei ou as derivadas de aplicación dos tratados internacionais, resultado de aplicación, en todo caso, canto se dispón co artigo 9 da Lei Reguladora de Facendas Locais.

Artigo 7.º .-Período impositivo e retribución.

Retribúese a taxa e nace a obriga de contribuír cando se inicie o aproveitamento.

Artigo 8.º .-Normas de xestión.

1.-As cantidades esixibles de acordo ás tarifas liquidaranse por cada aproveitamento solicitado ou realizado e serán irreductibles polo período autorizado.

2.-As persoas ou entidades interesadas na concesión de aproveitamentos regulados nesta ordenanza deberán solicitar previamente a correspondente licenza, realiza-lo depósito previo a que se refire o artigo 9.º . seguinte e formular declaración na que conste a superficie do aproveitamento, á que se axuntará un plano detallado da superficie que se pretende ocupar e da súa situación dentro do municipio.

3.-Os servizos técnicos deste Concello comprobarán e investigarán as declaracións formuladas polos interesados, concedéndose as autorizacións de non encontrar diferencias coas peticións de licencias; se se deran diferencias, notificaranse as mesmas ós interesados e xiraranse, no seu caso, as liquidacións complementarias que procedan, concedéndose as autorizacións unha vez subsanadas as diferencias polos interesados e, no seu caso, realizados os ingresos complementarios que procedan.

4.-Os aproveitamentos autorízanse sempre discrecionalmente e sen prexuízo de terceiros.

5.-En caso de denegarse as autorizacións ou cando por causas non imputables ó suxeito pasivo o dereito á utilización ou o aproveitamento do dominio público non se realice, procederá a devolución do importe correspondente.

6.-Non se consentirá a ocupación da vía pública ata que non se teña aboado o depósito previo a que se refire o artigo 9.º seguinte e se obteña a correspondente licencia polos interesados. O incumprimento deste mandato poderá dar lugar á non concesión da licencia sen prexuízo do pagamento da taxa e das sancións e recargos que procedan.

7.-As autorizacións entenderanse concedidas con carácter provisional e a precario. En base a esta declaración, que deberá facerse constar nos correspondentes acordos de concesión de aquelas, se o interese xeral esixise a supresión do aproveitamento, a alcaldía-presidencia revogará a licencia requirindo ó titular para que suprima, á súa costa, o aproveitamento.

8.-No acordo de autorización da ocupación fixarase o prazo de duración da mesma, farase constar que dito prazo será improrrogable, e que unha vez rematado o mesmo o interesado deberá sumprir-lo aproveitamento, agás, cando por causa xustificada alegada polo interesado, a ocupación tivese que seguir por máis tempo do sinalado na autorización, suposto no que aquel solicitará a ampliación do prazo de duración do aproveitamento e realizará o depósito previo do importe da liquidación que proceda. Tal ampliación será aprobada pola alcaldía -presidencia.

9.-As autorizacións terán carácter persoal e non poderán ser cedidas ou subarrendadas a terceiros. O incumprimento deste mandato dará lugar á anulación da licencia

10.-As licencias poderán se revogadas polo órgano que as concedeu nos seguintes casos:

a) Polo non uso ou uso indebido.

b) Por cambia-las circunstancias en base ás que lle concedeu a licencia.

c) En xeral, por incumprimento de calquera das obrigas impostas nesta ordenanza ou na licencia de autorización.

Artigo 9.º .-Liquidación e recadación.

1.-O pagamento das tarifas da taxa realizarase:

a) Tratándose de concesións de novos aproveitamentos, por ingreso directo na Tesourería municipal ou onde estableza o Concello, pero sempre antes de retirar-la correspondente licencia.

Este ingreso terá carácter de depósito previo, consonte co disposto no artigo 26.1a.) da Lei 39/1988, do 28 de decembro, modificada pola Lei 25/1988, do 13 de xullo, quedando elevado a definitivo ó concederse a licencia correspondente.

b) Cando se liquide polo Concello en caso de aproveitamentos non autorizados, unha vez aprobada a liquidación pola alcaldía -presidencia, é notificada a mesma ó interesado. Na notificación consígnaranse os medios de impugnación que poidan interpoñerse contra a liquidación e órganos ante os que terán que ser interpostos e así mesmo o período voluntario de cobramento e cando quedará incurso en constrinximento a cota non satisfeita dentro daquel período.

O período voluntario de ingreso da liquidación será:

-Para as notificacións efectuadas na primeira quincena do mes, ata o día 5 do mes natural seguinte.

-Para as notificacións efectuadas na segunda quincena do mes, ata o día 20 do mes seguinte.

Transcorrido o período voluntario de cobramento sen terse efectuado o ingreso, o período executivo iníciase o día seguinte ó remate de aquel.

O inicio do período executivo determina a retribución dun recargo do 20 por 100 do importe da débeda non ingresada, así como o dos intereses de demora correspondente a esta.

Este recargo será do 10 por 100 cando a débeda tributaria non ingresada se satisfaga antes de que sexa notificada ó debedor a providencia de constrinximento, e non se esixirán os intereses de demora devengados dende o inicio do período executivo.

Dita liquidación efectuarase por ingreso directo na Tesoureira Municipal ou onde estableza o Concello.

Artigo 10.º .-Gastos de reconstrucción e indemnizacións.

1.-Cando a utilización privativa ou o aproveitamento especial que se conceda leve aparellada a destrucción ou deterioro do dominio público local, o suxeito pasivo sen prexuízo do pagamento da taxa a que houbera lugar, estará obrigado ó reintegro do custo total dos respectivos gastos de reconstrucción ou reparación e ó depósito previo do seu importe.

2.-Se os danos fosen irreparables, a entidade será indemnizada en contía igual ó valor dos bens destruídos ou ó importe do deterioro dos danados.

3.-O Concello de As Somozas non poderá condonar, total nin parcialmente, as indemnizacións e reintegros a que se refire o presente artigo.

Artigo 11.º .-Infraccións e sancións.

En todo o relativo á cualificación de infraccións tributarias, así como das sancións que as mesmas correspondan en cada caso, estarase ó previsto nos artigos 77 e seguintes de Lei Xeral Tributaria e disposicións concordantes.

Artigo 12.º .-Normas supletorias.

En todo o non especialmente previsto nesta ordenanza estarase ó disposto no convenio formalizado entre a Excma. Deputación Provincial e o Concello de As Somozas, relativo á delegación de competencias municipais naquela, en materia de xestión tributaria e recadatoria.

Disposición final.

A presente ordenanza entrará en vigor o 1 de xaneiro de 1999, permanecendo vixente ata que se acorde á súa modificación ou derogación expresa.

As Somozas, 21 de outubro de 1998.

O alcalde, Manuel Candocia Ramos.

O secretario, Arturo A. Blanco Veloso.